

KHAMIS • 09.03.2017 sukan@utusan.com.my

SUKAN

162 HARI LAGI

SUKAN SEA
KE-29KUALA
LUMPUR
2017

19-31 OGOS 2017



Khairul Hafiz, Zaidatul Husniah, Badrul Hisyam harapan tamat kemarau sedekad

Raja, Ratu Pecut dari Malaysia?

Oleh ZAZALI JAMIAN
sukan@utusan.com.my

■ KUALA LUMPUR 8 MAC.

PENINGKATAN mendadak yang dipamer atlet negara sejak akhir-akhir ini memberi keyakinan kepada kontingen olahraga Malaysia untuk kembali menguasai acara pecut selepas lebih sedekad apabila Kuala Lumpur menjadi tuan rumah Sukan SEA, 19-31 Ogos ini.

Pengurus pasukan olahraga Sukan SEA 2017, Datuk Salim Parlan berkata, keyakinan itu berdasarkan prestasi yang d i t u n j u k - kan Khairul Hafiz Jantan, Badrul Hisyam Abdul

Manap dan Zaidatul Husniah Zulkifli dalam acara 100 meter lelaki serta wanita.

Pada Julai tahun lalu, Khairul Hafiz memadam rekod 100m lelaki berusia 18 tahun apabila mencatat 10.18 saat pada Sukan Malaysia di Sarawak. Dia melebur rekod milik Watson Nyambek 10.30s.

Lapan bulan sebelum itu, Badrul Hisyam hampir memecah rekod kebangsaan dengan mencatat 10.29s, namun catatannya tidak diiktiraf kerana pengajur Kejohanan Sekolah-Sekolah ASEAN, Brunei tidak menggunakan alat penyukat angin.

Sabtu lalu, giliran Zaidatul Husniah mengejutkan peminat olahraga apabila mencatat kepantasan 11.35s dalam 100m wa-

nita pada Liga AGN 7 di Afrika Selatan, namun seperti Badrul Hisyam, catatan itu tidak diiktiraf kerana menerima bantuan angin 2.5 meter/sejam. Rekod kebangsaan 100m wanita kekal milik G. Shanti 11.50s.

Bagaimanapun peningkatan prestasi yang dipamerkan atlet berkenaan, selain 'perguruan' 60 hari yang dijalani skuad olahraga di Afrika Selatan diyakini mampu memberi impak pada Sukan SEA nanti.

"Saya tidak mahu memberi tekanan kepada atlet kita dengan berkata mereka mampu mendapatkan pingat emas tetapi saya dapat rasakan atlet pecut negara mempu-

nyai potensi untuk meraih satu keputusan luar biasa.

"Malah ketika ini kita mempunyai kelompok atlet pecut yang ramai dalam acara lelaki dan wanita. Prestasi yang mereka pamerkan ketika di Afrika Selatan juga amat positif," katanya dalam sidang akbar Program Kita Juara di sini, hari ini.

Kali terakhir Malaysia meraih emas 100 meter lelaki pada Sukan SEA adalah menerusi Nazmizan Muhammad di Hanoi 2003, malah atlet kelahiran Terengganu itu turut merangkul gelaran berganda dengan muncul juara 200m.

Shanti pula kekal sebagai atlet wanita terakhir memenangi emas Sukan SEA yang dilakukan di Jakarta pada 1997.

Salim turut menyuarakan keyakinan, olahraga mampu

membantu kontingen Malaysia mencapai sasaran muncul juara keseluruhan Sukan SEA 2017.

"Saya percaya dengan keupayaan atlet olahraga ketika ini dan mereka juga telah membuktikannya menerusi kejohanan disertai.

"Sebagai contoh dalam acara jalan kaki banyak negara yang sukar untuk memberi cabaran kepada atlet kita.

"Buat masa ini persediaan olahraga bagi menghadapi Sukan SEA berjalan baik seperti dirancang," kata

tanya lagi.

PEMENANG PINGAT EMAS 100M, 200M SUKAN SEA/SEAP	
100 meter LELAKI	
NAZMIZAN MUHAMMAD	10.48s - 0.2s (Hanoi 2003)
R. GUNARATNAM	10.50s (Bangkok 1967)
M. JEGATHESAN	10.50s (K. Lumpur 1965)
100 meter WANITA	
G. SHANTI	11.61s (Jakarta 1997)
MUMTAZ JAAFAR	11.84s (Manila 1981)
CHERYL DORALL	12.50s (Bangkok 1967)
CARMEN KOELMEYER	13.10s (Bangkok 1959)
200 meter LELAKI	
NAZMIZAN MUHAMMAD	21.05s + 3.0s (Hanoi 2003)
R. GUNARATNAM	21.30s (Bangkok 1967)
M. JEGATHESAN	21.30s (K. Lumpur 1965)
M. JEGATHESAN	21.50s (Rangoon 1961)
200 meter WANITA	
G. SHANTI	23.49s (Jakarta 1997)
G. SHANTI	23.92s (Manila 1991)
M. RAJAMANI	25.50s (K. Lumpur 1965)

BADRUL HISYAM
ABDUL MANAPZAI DATUL
HUSNIAH
ZULKIFLIKHAI RUL
HAFIZ
JANTAN